

於今者如井田必不可復井田不可復則貧富不均百政皆無端緒焉其何以行且經秦火後已無詳細章程後人意造多有錯誤如王安石新法有善者有背謬者不如轉用西法之為愈也今各國皆同一法制矣而我獨異之以致外人歧視此變法之說所由來也皆公理也惟變法之不易非斟酌已國情形辦理易生弊端此又必不可少者也其言又曰今之教練何必照西法也則曰此言亦未必不然然兵如水也無定形因地為形黃帝之陣不可用矣至唐李靖學為六花陣六花陣又不可用矣至宋變為四門斗底陣四門斗底陣又不可用矣至明威繼光變為鴛鴦陣今取鴛鴦陣而用之長槍短鎗宜乎不宜故外國兵法有戰陣則變有見識則變有閱歷則變今之戰陣不能不用槍礮也則不能不用槍礮所出之國之陣法也以彼既善於此必善於彼至當不易亦公理也至其馬步礮如何章程更僕難數姑不暇及焉其言又曰今之鐵路何必築也築路恐籌款維艱則曰此言亦未必不然然各國皆有鐵路矣彼貨暢銷我貨壅滯腹地之貨可以出口者多不能出無鐵路故也使有之精製土貨貿易之盛必十倍焉貿易盛則國不貧矣此不能惜費也各國近中國腹地皆有鐵路矣廣西雲南將有法國之鐵路旅順海參威將有俄國之鐵路敵速而我遲敵靈而我阻勝敗之數不待戰而決且我不築路別國將包攬之以戰事計此不當惜費也亦公理也所以督撫汲汲於此也其言又曰今之學堂何必立矣既立矣何必先習語言文字乎則曰此言亦未必不然然外國各學皆有專書編譯之本皆十餘年前舊法且不如西書之善既習語言文字矣內之可講物理之學外之可為公使之才非此不行焉亦公理也學問自有次第也其言又曰今之製造各局何必立焉成效難見則曰此言亦未必不然不知購人之物孰與自成此後各廠與國為盛衰英國製造林立故英國富強俄國做而行之故俄國強日本十餘年來講求製造東洋貨物可與西國爭衡此不可不立也中國未著成效者製造不廣也工本不足也豈廠之不當立哉凡此皆公理也非不急之務也故堯舜至今則必變法孔子至今則必變學道不變也事常變也觀孔門六藝之科射御皆為當時戰陣所宜今之戰陣所用如此則孔門必變射為槍礮必變御為駕駛矣故早變者強遲變者弱小變者存不變者亡諸君之爭非與新學相爭也與公理相爭也然天下明理之人誰肯與公理相爭哉故吾知天下正人君子必不慕至死不變之名而與新政新學為難也此天下知以理爭者皆正人君子變其意即可維持大局者也故吾又甚幸也夫中國地大物博蕭條至此者因循害之也今孔教將微矣黃種將滅矣毋以西人之立廟祀孔子為尊吾教也其尊吾教詐也以孔教滅我國也毋以西人格遵戰例兵民有分為容我種類也其容我種類詐也速吾之解散也故吾之

所慮不在孔教之明滅而在孔教之暗亡吾之所慮不在種類之殺絕而在種類之自絕曷謂暗亡華人無起色此暗亡也曷謂自絕華人之智不開為彼奴隸久而浸微此自絕也暗滅無形自絕何怨然後吾不得與西人爭故吾願新學舊學各順公理化其私見時殊勢異學有不同政有不同獨扶孔教保種類之心則無不同心既同矣天下事無不可同也今欲扶孔教保種類則老者不必為新學也提創可矣少者壯者之宜為新學也求實可矣今湖南風氣初開款項未足有不能求實者焉常存此心可矣心存則事無不成出之以定見持之以堅忍一人如此即得一人十人如此即得十人百人如此即得百人千萬人如此即得千萬人有千萬人實心辦事即如越王勾踐有君子六千人吳可沼也楚可敵也中原可以霸也然此必不得之數也吾又不敢望天下必不得也則有志者請共勉之今觀各國皆注意於山東北直誠以山東北直天下之首也南方諸部天下之足也得其首焉足於何往如此則湖南不聞教堂侵外人或可稍延殘喘有志者乘時努力與學堂開民智辦保衛禦內亂探礦產儲軍實講製造利器械擇將領改營制十年於茲或有可為即不然有一分營繕自有一分實用也不然根本不固財用不足器械不精人心不一臨事倉皇徒遺笑柄何更有正人君子哉

上諭電傳

十五日奉 上諭湖北臬司着瞿廷韶補授欽此

上諭補錄

光緒二十四年三月二十八日奉 上諭張之洞等奏陳明湖北鐵廠改歸商辦後情形一摺湖北鐵廠經該督等招商承辦現將造軌採煤各事力籌整頓已有端緒即著照所議辦理所有鐵路電綫經過之地著德壽陳寶箴轉飭地方文武妥為保護另片奏萍鄉煤礦現籌開辦請援照開平禁止商人別立公司及多開小廠抬價取買等語著德壽即飭所屬隨時申禁以重礦務張之洞等摺片著分別抄交德壽陳寶箴閱看將此各諭令知之欽此

湖廣總督張 奏湖北鐵廠改歸商辦後情形摺

奏為陳明湖北鐵廠改歸商辦後情形及造軌採煤各事力籌整頓已有端緒恭摺仰祈 聖鑒事竊臣之洞創辦湖北鐵廠次第告成光緒二十二年因經費難籌遵 旨招商承辦奏准交臣宣懷接收一手經理臣宣懷以冶鐵鍊鋼亞東創舉事體至重頭緒尤繁祇以事關中國大局不敢不力任其難遵於是年四月十一日接辦先

將漢陽總廠區銀錢製造收發為三股每股選員董二人董理之鐵山煤礦亦各派員董分任其事並於總廠設立總稽核處均令查照成規認真整頓伏維鐵廠本旨緣鐵路而起當以製造鋼軌為第一義顧鑄鐵非焦炭不可連年因本廠無就近可恃之煤呼籲於開平謀濟於洋產價高而用仍不給故化鍊雖有兩爐僅能勉開其一又當以勤求煤礦為造就之本原臣宜懷督飭員匠講求各國鋼軌之程式鍊製之奧突一面與外洋各廠訂購軌軸機器研精試造嗣奉督辦鐵路總公司之命發軔所先經營蘆漢復飭廠中員董加工併力專意造軌查照奏定章程先後預撥軌價銀一百九十萬兩現計解運到工及成造在廠之軌幾及萬墩隨配魚尾片螺絲釘各件稱是橋料鋼板等物亦皆能應造應用截至上年年底核計運工軌料各價已逾五十萬兩自保利權漸有成效惟茲事皆中土所未經見鑄鍊之合法與否不能不特監工之西人而其人或由出使大臣訪訂或由洋廠推薦來華試用往往行與言乖一再更換每逢新舊交接之間不免稍稽工作特所患猶不若乏煤之甚也開平華礦宜當與漢陽華廠休戚相關年來懇切籌商上煩 宸聽奈煤價已加至極昂之數而交煤仍難應漢廠之求至於洋煤更不足恃外洋用五六金一墩之焦炭我幾三倍其價鋼鍊成本懸殊勢無可敵一旦各國有事又動輒禁煤出口將來恐難出重價而不可得臣宜懷有鑒於此兩年以來於沿江上下楚西江皖各境分派委員帶同礦師搜求鑛試足跡殆遍惟江西萍鄉焦煤久經試用最合化鍊礦脈綿亘所產尤旺實為最有把握之礦但土法開採淺嘗輒止運道艱阻人力難施臣等深維大計鑄鍊利鈍之機全視萍煤為樞轉現已購辦機器運萍大舉一面勸明運道定議先就該縣黃家源地方築造鐵路一條至水路計程三十餘里路成之後再籌展至長沙與幹路相接並先於沿途安設電線消息靈通轉輸便捷繁費在一時取利在永遠此後取之不盡用之不竭漢廠即可並開兩爐大冶亦可添設爐座至於大出土貨開造物無盡之藏以為民生之利尤 朝廷廣闢地利之至意泰西富國之學之精義也鐵路電線經過之地籲請 敕下江西湖南巡撫轉飭所屬地方文武隨時照料妥為保護以副 國家維持鑄政之至意所有湖北鐵廠改歸商辦後情形及造軌採煤各事皆有端緒緣由謹合詞恭摺陳明伏乞 皇上聖鑒訓示謹 奏

費成本之局甚或勾引外人如上年湘省有串買礦山之事迨經察出根究挽回業已大費周折皆慮之不可不早防之不可不周者擬請嗣後萍鄉縣境援照開平不准另立煤礦公司土商探出之煤應儘廠局照時價收買不准先令他商爭售庶濟廠用而杜流弊相應請 旨飭下江西巡撫飭屬申禁此鐵廠全局利鈍所係謹附片具陳伏乞 聖鑒謹 奏

撫憲批示

茶陵州監生陳瓊白呈批○據稱雷余元侵食義穀及育嬰穀石復主使雷恩榮兄弟抄搶如果屬實該州何至不行追究反將兩管押勒結所呈甚不近理不足憑信惟前據具呈業經批飭將訊情形稟覆核奪迄今日久尚未覆到亦屬遲延仰按察司催飭茶陵州剋日遵照前批據實稟覆勿再延宕切切詞單并發仍繳○甯遠縣監生楊耀堂呈批○爾兄楊洋藻經縣差傳着交槍犯爾因挾爾兄產之嫌竊名控府希圖傾陷實屬狡詐已極嗣據來報呈告當因詞不近情批飭查覆嗣據甯遠縣將案內情節稟覆前來又經批府訊究茲據續呈仍係支飾浮詞不足駁詰仰按察司即飭永州府遵照前批確切究明照例反坐以儆刁健勿稍寬縱切切詞發仍繳○澁浦縣民舒鰲泉呈批○據稱李厚之強奪舒必納已許鄧姓之女為妾如果屬實殊干法紀該縣黎令業已訊明押繳委員楊令因何反斷李厚之完娶並將爾父舒滌責押其中必有別情所呈甚難憑信抄粘該縣王令牌示語意含糊多不可解仰澁浦縣即將先後訊斷緣由據實錄案稟覆詞粘并發其抄粘各件如有增刪改竄之處亦即逐一查案註明隨稟齎繳毋延切切○沅陵縣客監劉啓茂等呈批○此案現據孫炳文具控批司飭訊仰按察司即飭沅陵縣併訊詳奪詞粘并發仍繳○安化縣商民人和福等呈批○據控藍田卡局浮取茶釐等情是否捏情圖減抑事出有因仰董金總局確切查明具覆詞粘并發仍繳○沅陵縣民孫炳文呈批○爾買伍富德舖屋既係彼此情願別無謬竊張宏吉係佃住之人安能日久佔踞景瀨等如何架控該縣如何訊斷均未切實叙明爾初次控縣及熊景瀨等呈詞并縣職結俱不備錄情詞甚屬含糊正核示問續據監生劉啓茂等互控之來孰實孰虛仰按察司轉飭沅陵縣錄案稟覆一面傳集人証確切訊明秉公斷結詳奪詞粘并發仍繳○甯鄉縣民鍾元喬以姪斃憤繼賄和串詐上控張福春稟批○命案以相驗為憑張紹修屍身經該縣親詣驗明實係受傷身死豈能由爾空言混狡指為繼斃惟據稱屍母張陳氏及族人先向張何氏家滋鬧經張福春央唐致和憑團保和錢四十串領理事隔八日忽串張福春誣指為該犯毆斃各情是否屬實仰長沙府即

飭甯編縣冠日備案查訊情形先行稟覆一面傳集人証悉心研訊已死張紹修在該犯家內傭工四年究竟有  
何嫌隙先日至該犯家討取衣服是否實有其事切實追究如係正兇即嚴刑磨審照例擬抵不得任其狡賴如  
係無干實由屍親擇肥而噬亦即據實通稟另請正兇毋再若延致滋藉口抄黏并發

巴陵縣周榮之明府至德在堂光閣開南學分學會議義

今日所要講底有兩件事一件為底縣考要變通題目二件為底書院要整頓章程諸位看過湘報底明白這兩  
件原由本可以不消講得若未嘗看過湘報底不知道 朝廷設立特科求才底意思不知道各府州縣已有  
許多處變考試改書院底規矩所以今日要把握省中 大憲及本府英大人開導諸位底大意略為表白一番  
考何以要變通題目四書是聖賢之書不是該學問就是講經濟那有不好底只因相沿既久其弊百出一種  
小題連不得上犯不得下單講手法與實學無干有一種搭題東扯到西西扯到東橫生筋節更與理路相反有  
一種相傳俗法用不得後世書論不得後世事相安陋劣尤為便於空疏之人至於買幾部夾帶書你抄來我  
一抄去任你會做文章都想寫他幾句底更不用說了所以 大憲要教小考把二場以後都出些時務題如學  
台考經古場中出題一樣史論講書上人物與地講中華外國形勢算學是格物致用入門的工夫交涉是合  
外國相交款待底法則讀書人在這幾件中通得一件方是有用之材所以二場以後要出這樣題目考試免得  
學台來了考經古一場做不成文悔之不及也書院何以要整頓章程我們縣裏金鵬書院十年前劉彥臣先生  
設底本是好底近年以來也就疲敝了別底不說只如院長齋課每凡一本卷子不論好歹都有獎錢一百這還  
成个什麼事體還如何能鼓勵人材所以想整頓一番到明年要另籌經費把院長脩金加重再立一个講算學  
底學長立一个講譯學底學長優加膏火分門教導把金鵬書院條規定了岳陽也會同四縣籌加起經費來加  
聘兩個教習分門教習另立一个正董管理院條可以隨時認真甄別不叫僥倖底混在其中方是培植人才底  
實在工夫也諸位只想左文襄羅忠節他那些名臣 朝廷專取時文底時候左公專講輿地羅公專講兵法所  
以轟轟烈烈不同眾人今科目已立而尚守舊不改豈得為有志之士乎專讀時文無論不佳即使時文到家上  
之為部院督撫可作一篇時文率屬乎下之為府廳州縣可作一篇時文論民乎內之為翰詹科道可作一篇時  
文論事乎外之為公使出洋可作一篇時文應敵乎切莫信庸師說謂時文廢而孔孟廢須知自王安石未定  
四書文以前明洪武未專致四書文以前孔孟之道軒天地揭日月者未嘗少息也今日此一番講學因本縣郭

秀才鵬王拔貢第祺熊秀才焜李秀才羣鎬任秀才佑濤陳秀才俊劉秀才光萃邀集臨湘吳紳賴平江秀才周  
之德華容秀才徐煜等同稟明英府尊要我先在奎光閣開講大家總要細細聽者縣考二場以後就不以為聞  
所未聞了若不是時務要得緊我也八股出身的人考我的八股豈不省事麼

岳州士氣橫毅近日得英太守文裁成作首皆奮然興起此次開辦南學會分會時英太守命周大令與吳鳳  
生學長臨會宣講集而聽者四百餘人亦盛舉也英太守又以通商在即恐愚民無知造謠生事每於公所地  
方傳呼小民而告之曰岳州不日開埠爾輩工人謀生益易如修碼頭造馬路建洋房及平日起卸貨物等事  
不啻為爾輩添了無數事業加了許多資本實於爾輩有大益也民間聞之莫不欣悅嗟乎使天下盡如賢太  
守所為何至有膠州永安州之禍耶僕不敏請陳淺陋之見今之欲各府州縣開辦南學會者姑無論保國保  
教保種三大題目也實則為救燃眉之急與諸士身家之謀耳何也洋人來內地傳教游歷釀成事端者其初  
皆起於一二讀書人之謔言其後乃成於痞徒之烏合滋擾官得清議而難於懲士士為痞徒而受此惡名以  
至養成一種虛懦習氣動輒聚眾為患不幸如膠州永安州之事地方官因此革職受累無窮 國家因此  
賠費割地日蹙百里小不忍則亂大謀後悔已無及矣學堂學會則互相告諭各知利害不敢輕舉地方官  
可以高枕無憂是學會學堂實為官計非僅為民計也所謂救燃眉之急者此也省城為首善之區耳目聞見  
較為廣遠所以每屆鄉試內府中額多於外府甚至外府有脫空不中者良由省城文人聚會易於講求揣摩  
風氣以省城為最先也今省城學堂已設學會林立士人爭購時務書籍日夜搜求而外府若向寂然不動安  
於僻遠固陋不肯更改書院舊章轉瞬即逢庚子鄉試內府捷足先得外府不能爭勝或全榜無一人亦意中  
事也今諸士即為時文打算苟能讀書多積理富所作時文自有根柢入彀亦易所謂為諸士身家之謀者此  
也總之朝廷不變科舉各書院亦何必如此多事既已開經濟科矣此省先變則比他省占便宜此府先變則  
比他府占便宜此縣先變則比他縣占便宜敢請諸君詳思之 本館附識

克島近况○譯巴黎辯論報土政府近已允准作克列脫島為自主之島約法三章於下 一該島總管由  
土廷簡派 二土國兵士得常川駐紮該島 三嗣後該島仍扯土國旗號 奏晤士報載希臘全權大臣議定  
賠土國軍費銀二兆五十萬法郎此為至多之數聞土國全權大臣亦將允准如希廷果能照數賠償則和約早  
日可以簽字又謂希政府已請各國竭力調停從速議結并望土國駐的撤利之兵士從速退出施當遠報論如

土國得希國之賠款作為購辦軍器之用則俄廷須索令土國賠償一千八百八十七年戰事後賠款之餘利一節俄國力辯其詐蓋俄土交情甚洽初無威嚇逼勒之事也 錄國聞報

論日商布業與旺○月賓電報云傳聞近來大坂及孟買兩埠商家搶奪華商市場然利權大半為華人所獲日商洋布銷路大都皆暢流中國售於歐洲者甚罕日本出口布銷管華者至三兆疋之多然我英蘭克夏之貨依然暢銷惟中國內地洋布銷場利息減色日本布疋窄小紡布皆用手機此種利益乃英人紡織廠所不能獲者日人手機紡布厥價較華貨尤廉中國手工雖便宜然縲紗價值太昂故獲利不及日人以貨價而論日貨最廉若日貨估價一兆圓者我英則值二十三兆之多矣 錄國聞報

法國銷絲○日本駐法李安地方領事署訪查絲業情形內載近三年來由中國日本義國及各國運至之絲數目查得共五百二十九萬二千啓羅克蘭姆義大利三百二十六萬六千啓羅克蘭姆日本三百二十萬二千啓羅克蘭姆東方諸國一百三十二萬六千啓羅克蘭姆法國八十一萬五千啓羅克蘭姆奧斯馬加二十七萬七千啓羅克蘭姆英蘭姆印度二十七萬六千啓羅克蘭姆西班牙九萬六千啓羅克蘭姆共計四百四十五萬啓羅克蘭姆查以上數目中國日本英印度皆照出口貨計其餘各國連出產皮重在內以現在法國所銷絲分爲百分中國占四十六日本二十一義大利十四土耳其十三其餘各國僅得六分而已按一啓羅克蘭姆約合二十六兩四錢 錄官書局報

- 捐助南學會書籍題名
- 清泉楊樂捐入
  - 西國近事彙編 公法便覽
  - 水心先生別集 孫子十家注
  - 澧州晏開甲榮世梁陳芳藻同捐入
  - 修本堂叢書 十四本 經義雜記 四本
  - 六朝事迹 二本 陳白沙全集 十本
  - 不纏足會捐贊續題名
  - 衡山李蔚然字雲松 捐銀四角
  - 西學攷 俄國志畧
  - 國語 電氣錄
  - 何氏算池 八本 曾文正水陸行軍練兵誌四本
  - 衍石齋記事彙 附續編 六本
  - 長沙均上居士 捐錢陸百文

# 湖南公忠報

本報專論時事以規勸人臣爲主義  
每七日出一本其機器鉛字已派人  
赴上海定購茲擬七月初一日出報  
暫借湘報館機器代印一俟購辦齊  
備再行設館所有章程容續登報布  
知 戴展誠 裴健 吳懈 同啓

## 經濟書局

開設長沙省南陽街刻印兌換經史子集時務算學輿地各種  
書籍格外公道發售

## 維新書局

開在湖南省城南正街專辦官板中西史志交  
涉公法輿地算學及各種格致圖籍擇期開張

## 恒興祥茶號

開設省城柑子園口專辦各種名茶發客重慶  
無欺其價格外公道凡賜顧者請認本號招牌  
爲記庶不致悞

# 定做不纏足雲頭方式鞋

李復泰鞋舖開設南陽街

賜顧者請先交長短寬窄底式不拘何等雜色隨人所喜並售京術漢式各種靴鞋

## 印送不纏足歌

凡欲閱者請至南正街翁宅領取

四月十八日日用各物時價表

物名	每實	價值	比較	物名	每實	價值	比較
銀	兩湘平	一千三百三十六文		銀	兩	七錢五分	湘平 九百一十二文
上白米	石	一千五百五十五文		大白米	石	一千五百一十二文	七錢九分七厘
中米	石	一千五百一十文		河東谷	石	一千四百百文	三千三百文
河東谷	石	一千二百四十四文		河東谷	石	一千二百一十斤	一千四百百文
洋油	箱一箱	五十餘		菜油	百斤	五十六文	四十五文
牛油	箱一箱	五十餘		桐油	百斤	六兩六錢	六兩
中棉花	百斤	六百五十五文		果木炭	百斤	十六兩六錢	壹千文
頭印折衷	石一百四十四方	三兩六錢		下棉花	百斤	十五兩五錢	十六兩六錢
三印折衷	石	三兩		二印折衷	石	三兩二錢	十五兩五錢
塊煤	石	三百五十文		吳庄紙	石	三兩四錢	三兩二錢
柴煤	石	二百二十文		烟煤	石	三百文	三百文

### 湖南宜講求虛心考校之學

一事有一理一物有一理無理之說不足以信一人一信之其說必有取信一人之理十人信之其說必有取信十人之理千百人信之其說必有取信千百人之理如無理也人非病狂喪心曷肯相信新學新政之創于泰西也其始同類各國信之歐洲漸臻文明繼而俄國信之矣彼得遊歷歐洲探其實也繼而日本亦信之矣甲午之役我受其創亦彼步武泰西之效也中國士大夫亦斥今日之天下非堯舜禹湯文武之天下不獨非堯舜禹湯文武之天下更非秦漢以後之天下可比秦能威匈奴漢能出師塞外唐能驅使回紇今之天下則任人瓜分也豆剖也今之人民則任人奴隸也牛馬也此何故耶如謂不遵古法則堯舜禹湯文武之古法具在曷不取而更張之如謂已無權力也則執政守舊者諒不乏人曷不取古法而更張之然皆計不出此是救世無策也救世無策奚言之為中國以前辦理諸事未臻實效者蓋有所阻撓不能暢行試觀日本變法之事官制律例兵政財政商務學校工藝無不全變上下一心故二十年内勃然興起中國則不然官制仍舊律例仍舊兵政仍舊財政仍舊商務則畧予變通學校則甲午以前止上海天津廣東湖北等處有中西自強武備水師等學堂工藝則廠數可以指計如此求富易富之有如此求強易強之有蓋治天下如繪圖然苟少一山一水則形勢大相懸遠如此則易咎變法之人耶故吾之咎吾華者不咎吾華之變法也咎吾華變法之不力也吾華變法之不力主變法者不得盡操其權則吾惟咎阻之者也然天下亦有公理甲午之役執政以前主和此執政之識也既戰矣疆場尺寸之進退 國家安危係之不戒飭各軍申嚴軍法此則執政不能辭其咎焉然假使當日湘淮諸軍盡力一戰稍能支持依然因循不肯變法則二千年神靈之貞終歸于愚而弱弱而亡五大洲之有俄猶門外之有虎臥塌之有豺狼也以日本而不敢與之抗况吾華乎俄與吾華比鄰西阻於英東必思逞於吾華吾華滅則俄據有東方全勢英法德美日如秋風之掃敗葉自然而靡也彼得之遺囑吾華人亦見之矣試問俄能一日忘情於開疆拓土否耶此近日英日各國亦深為吾華憂而吾華不知自憂良可悲也吾少時亦深鄙洋務謂執政多私心今則細推根本雖執政無私心仍執舊見不肯變法亦仁人君子同歸於盡而已湖南好言戰請以戰論甲午之役戰卒非不多也然湘淮各軍既分畛域矣湘軍之中又有湘人之畛域如九節度之師潰於相州無他未法外國全體軍章程之故也或謂髮逆猖獗會文正削平大亂亦未做照外國章程何以得手曰此一時彼一時也平髮諸將皆師弟朋友聯絡一氣無全體軍之名而有其實所以勝也今之統將各不相下矣推其不相下之由皆平

芷江楊子玉撰